

太上一乘海空智藏經卷之五

月五

問病品

爾時海空智藏即起於座安心正禮白天尊言天尊今者離眾惱病患苦无常无復生死常樂清淨微妙具足大慈天尊云何眾生有

四種病云何四種貪愛聲色愚癡憍慢是諸病因使心狂醒迷悶亂動則有病生何以故貪發身病愛發心病身心等病四百四病皮膚損瘦心情馳悶五臟殊乖小便淋瀝眼耳疼痛腹痛背病四肢百節瘡瘡疼痛如是種種身心諸病大哀天尊无復有病是故我今見諸眾生若人非人悉皆有病如是等病我今亦病腹痛心病唯願天尊哀愍我等說諸醫藥療治當來一切眾生未見者見未聞者聞爾時

天尊讚海空言善哉善哉善男子汝善知時為眾諮請憐愍眾生故作斯病欲遣病者請我醫治善男子汝等已於无量劫中脩行大慈常以愛念利益眾生不令苦惱施諸病者種種醫藥云何於今自言有病善男子為見

世人腹痛心病及皮膚損瘦使大憂苦為治諸惡新學道士貪畜一切不淨之物汝實无病欲令一切愚癡眾生而共回向一乘海空智慧寶藏為除眾生諸煩惱障貪欲瞋恚癡念怒善男子真人童子脩行大慈施給一

切病者醫藥常作念言願諸眾生永斷諸病得成真實金剛之身復願一切无量眾生恒值妙藥斷除一切瞽盲惡病以斷病故得智慧藥以得藥力斷除一切諸惡毒惱是諸眾生於智慧藥生不退轉速得成就无上道藥消除一切重見煩惱勤行精進成就天尊智慧之心作平等藥普治眾病勿令眾人生非謗想以平等藥藥根藥樹藥莖藥葉是平等藥療治一切諸惡重病諸惡重見諸惡重惱諸惡重心復願眾生出煩惱城離於愛獄成就天尊淨明光智入於海空秘密寶藏善男子真人童子已於无量十方世界國土發弘誓願願諸眾生離諸病根病樹病枝是諸病病空淨清涼常樂自在微妙具足等无相等爾時海空白天尊言云何我病而言无病我

今思惟世間有病不能坐起俯仰鬼鬼食不進進漿不下入口不能言如失教兒子脩治家業於時宗親父母妻子兄弟知識各周竟生必死想天尊我今亦復如是我見眾生住煩惱城但見鐵丸炎炎形形餓鬼仰天哭聲隆隆饑則食炭渴飲火精獄吏牛頭目如明星手持鐵叉繞鑊湯中手捉脚踏內於鑊中身骨糜散以是因緣我見生腹痛心病云何天尊說言无病爾時海空說是語已即於尊前作偈請曰

大慈大德尊 三界仰希有 願為演平等 智慧藥樹根 我今諸病子 朝夕保難存 腹痛心轉側 神氣甚昏昏 下愚凡夫見 豈識良藥門 如盲不見道 進尺不知寸 雖有四衢路 隨意任馳奔 三世慈悲父 常說智藏門 煩惱四病起 身散神魄魂 冥冥地獄下 焉能見子孫 日生日復死 永別長樂尊 吾愍諸眾生 啓請平等藥 若人若非人 服者得長存 喻如甘露雨 柯葉悉沾恩 萌花根枝樹 果熟隨人吞

於尊前作偈請曰

唯願太上尊 演說一乘道 是諸冥冥苦  
觀見失迷然 故哀當來衆 頂禮忘魂魄  
但見餓鬼子 三塗貧子孫 牛頭曳入鑊  
獄卒鐵叉翻 哭聲如雷霆 骨聚成崑崙  
饑則食火炭 渴則飲火精 唯垂大慈教  
普出地獄門 是諸衆生等 稽首无上尊  
爾時天尊大慈薰心答海空言善哉善哉善  
男子汝善知時爲衆誥請是諸衆生各從念  
生種種分別於分別中求種種色求種種聲  
求種種香求種種味求種種觸以是因緣眼  
病耳病腹痛心病身形等病四百四病汝欲  
隨順一切衆生欲利益故作偈誥請於是天  
尊正几而坐頭面熙怡如紅蓮花容貌端嚴  
如日月光於是天尊放大光明徧照虛空是  
其光明逾百千日照於東南西北四方維上  
下一切諸國他方世界惠施衆生平等藥炬  
悉令得滅四百四病今諸衆生安住不退得  
平等心爾時  
天尊靜處思惟現微妙色七十二相八十一  
好莊嚴其身爾時身上一一相好出一寶花

其花微妙各具千葉純紅蓮花瑠璃爲莖珊  
瑚爲枝琥珀爲根真珠爲葉形相特猶如  
寶幢是諸寶花復有種種雜色光明青黃赤  
白紅綠朱紫是諸光明普徧照無明地獄  
無間地獄呼嗟地獄號涕地獄火車地獄火  
林地獄鐵丸地獄鐵鑊地獄爾時獄中復有  
餓鬼獨形餓鬼獨體餓鬼獨骨餓鬼獨觸餓  
鬼枯形餓鬼枯皮餓鬼枯骨餓鬼枯肉餓鬼  
空食餓鬼炭食餓鬼无形餓鬼涕哭餓鬼如  
是等鬼常受寒苦逼惱无常頭面破裂身體  
毀碎更相殘害是諸餓鬼遇見光色如是等  
苦亦滅无餘即得調伏和溫膈適亦見光中  
海空寶臺秘密之藏說言衆生是諸餓鬼皆  
有道性爾時餓鬼聞是語已各各懺悔即便  
命終託生人天是諸地獄悉皆空虛无受罪  
者唯有不信誹謗一乘海空智藏饑渴逼切  
於此獄中百千餘歲未曾得聞甘露之名未  
曾得聞甘雨之潤當爾之時地獄空虛爾時  
光中復有百千真仙童子各各手把金蓮玉  
花一一蓮花皆有道士莊嚴最上世之无比

爾時花中真形道士真相道士真惠道士法  
喜道士法成道士法解道士法澤道士法真  
道士法樂道士妙嚴道士妙心道士妙見道  
士妙死道士妙花道士妙相道士爾時道士  
各共集會或行或坐或臥或住各奏妙音吹  
鳳笙琴箏筑篳篥鳳凰孔雀獅子白虎嘯歌  
鬻鬻音聲和雅是男是女莫不尋聲得見地  
獄畜生餓鬼若人非人悉皆歡喜爾時  
天尊爲諸衆生說一乘寶藏或說三洞明科  
或說丹書成就三乘利益一切或說出家坐  
於空城七寶莊嚴轉妙法輪轉法輪已是時  
國人一切衆生悉皆得益盲者見色聾者聽  
聲癡者能言跛者能行貧者得富貧富齊等  
不信者信如是衆生无量无边修行一乘海  
空之藏  
爾時復有天龍鬼神虛空龍鬼猛馬八威羌  
胡氏老若人非人悉共同聲如是讚言善哉  
善哉无上天尊多所利益說是語已踴躍歡  
喜或歌或舞禮拜恭敬圍繞讚數燒香散花  
幢蓋伎樂種種音聲微妙具足振於座所供

養天尊大慈天尊哀愍我等生居邊地有人之形不具種智云何海空乘七寶臺為諸眾生說一乘智藏如是希有難見難聞云何說言我身亦病唯願天尊分別解說令眾見明爾時

天尊答天龍曰善哉善哉善男子汝已具足智慧甚深能為淨供種種香花種種甘味種種伎樂種種寶幢善男子汝已成就智慧辯才已曾供養无量无边三世天尊是故汝今善能香淨種種供養善男子我於過去无量无边幽冥冥冥龍漢赤明隨劫出號无名无形為諸天人說是一乘海空智藏開示分別思惟義味為眾敷演讀誦書寫裝演縮軸流通徧於十方世界一切眾生悉得利益善男子我從是來未曾有惡煩惱業障未曾誹謗未曾不信未曾違逆未曾破壞從是以來身心安樂无諸苦惱善男子汝等眾生住煩惱城多諸病惱腹病心病不知一乘秘密之藏隨語方便謂言海空腹病心病天龍汝言海空智藏是大法師為眾說法而海空者實非

海空天龍汝言海空智藏而智藏者實非智藏天龍汝言海空智藏是真是仙而海空者實非真仙天龍汝言海空智藏是人是獸是鳥是蟲是草是木是水是火是石是土而海空者實非人獸實非鳥蟲實非草木實非水火實非土石如是等說皆是海空秘密之藏善男子汝言海空猶如海水而海空者實非鹹味汝言海空猶如父母兄弟妻子而海空者實非父母兄弟妻子汝言海空是大船師能度大海而海空者實非大船非度大海汝言海空腹病心病而海空者實非病病汝言海空住七寶城而海空者實非住住汝言海空啓請藥方而海空者實非啓請以如是空是海空智藏是海空城是時天尊說是語已座中眾生若男若女發平等心善能修治身口意業當捨命時親屬父母兄弟夫妻當取屍骨或於水中或於火聚或於山野豺狼虎豹鴟梟鴛鴦競共食噉是其魂神心意喪識即生善道人中國王化度一切普天治人善心供養一乘海空智慧寶藏

爾時國中有一長者名曰法勝而於座中四大疼痛倚卧牀席終日終夜不索飲食命似欲終家親妻子圍繞涕哭長者囑言汝勤家業慈心布施令我病源將似命終但生老死死何可辭於是妻子聞是語已加復號咷動於座所是時眾中若大若小各共彈指唱言海空秘藏之力云何眾生悲心切慟爾時長者忽便痊愈如非病時於是長者心自念言一乘海空感神之力巍巍堂堂三界奇尊難可思議我今思惟一乘海空是我形壽是我命資是我惠飯是我法漿我當云何於是即還家親子孫若男若女聰慧上哲一十三人遣令出家修治一乘海空智藏燒香禮拜書寫讀誦思惟義味為眾敷演復以金車銀車玉車珊瑚琥珀真珠等車復有未倉鹽倉五穀諸倉綾羅錦綺絳繒等練悉皆布施牛馬驢騾四散遊意造諸靈臺七寶明觀房廊重閣前堂後堂前殿後殿七寶九重微妙靈臺七寶九重微妙樓閣四方重疊華嚴梵音聲相和隱隱聞聞於是國人或老或少經過

靖所各自歎言善哉善哉功德巍巍難可思議於是諸人各自發心修造觀舍或大或小隨力供養殿堂寶臺樓閣房廊於是諸堂復有明師集眾講說一乘海空秘密之藏

爾時國中若男若女有善心者讀誦一乘海空智藏一字一句一行一偈稱其名號海空智藏者如是諸人即得人天道遙歡樂不墮地獄畜生餓鬼離眾惱疾入一乘藏是名希有稱其名號善男子若有眾生聞經名字聞已敬信如是諸人所有的一切煩惱重病皆悉除滅不信誹謗之罪譬如妙藥雖能療愈種種重病而不能治已死之人爾時海空白天尊言云何滅罪斷除誹謗不信之人云何得善隨作隨受云何平等一心修行一乘寶藏

天尊答言善男子云何隨作隨受善男子若有眾生發露懺悔從生死際所作諸惡皆悉發露至於无罪以是因緣是名所受善男子譬如大王巡行正路其中空城悉皆逃走如是發露一切諸惡亦復如是善男子云何不

滅誹謗罪者若有眾生不信一乘海空智藏作憍慢心雖作眾惡於是作惡永不回向以是義故不入一乘不滅誹謗善男子縱使一心无量眾生一時得入海空智藏以是因緣不見一人誹謗不信得入一乘海空智藏以是之故不信之人不滅誹謗

復次善男子云何平等一心修行一乘寶藏若有眾生或行或坐思念大乘不見我相不見他相不見大相不見小相長短白黑等相如是之相亦无相想平等一乘猶如虛空无大无小无聖无凡何以故若有人言是我身者即是道種即是道性有道性故身中即有七十二相八十一好是故我說不異聖人天尊金口玉簡之說善男子若如是說即是海空即是智藏於无量劫離諸煩惱得見海空平等之相何以故我今所說實无我相亦无我我亦无我所以是因緣隨文而說究竟平等善男子譬如伎師種種巧作隨其王命往他國土喪其身命亦不敢違智者說言一切眾生皆有道性故隨緣而說不惜身命亦如

伎師不違王命亦復如是

復次善男子若有眾生不信一乘海空寶藏謂言不善非彼所說非真實言善男子若有眾生作如是說是惡知識是大逆如此之人不可親近不共居住何以故此人現世即得蟲癩瘡爛之病蟲是流出膿血流出或大或小悉皆速離善男子若有眾生聞一乘經心生歡喜彈指讚歎如是之人從天上來形相挺特動為法師眾所歸仰如是之人即離煩惱出生死身得金剛身白日昇騰七寶玄臺善男子若有女人得見一乘海空智藏即便恭敬燒香願念一項之間見得轉身變成男子善男子此經威神能為一切有形无形有命无命未發心者皆令發心未安樂者皆令安樂未昇天者皆令昇天未離苦者皆令離苦未得道者皆令得道

爾時海空白天尊言云何而言未發心者皆令發心  
天尊答言善男子譬如人夢若於夢中夢墮地獄受諸苦惱即生悔心哀哉我身自招此

罪我今得脫必定當發大慈之心我今所見最是苦切覺時已知无上正法有人威神能為我等漸漸成就作如是念是名發心善男子若有善心清信道士若男若女及諸天魔異道善能發心受持一乘海空寶藏讀誦書

寫思惟義味為他敷演令諸眾生當得解脫離煩惱城善男子彼天魔者常受大王種種供養象馬車乘國城妻子為王說言我往山所見一老公為眾說言无上大道我今真法都无是言大王今聞老公幻術或於人民八方賢士共來集會我今與王共化眾生王若不遣國當破壞

爾時大王得聞是語即於夜夢山中老公是王親父欲為大王說一乘寶藏王悟之時思惟一乘其義云何即白大師今王得夢山中老公欲為大王演說一乘秘密之藏爾時天魔卑顏答王國當欲滅王心散亂於是天魔即現神通風雨洪災七日七夜雨當不息王大惶怖即白師言王今邪夢心亦不動唯願聖師為除災禍舉國奉乘不敢違

爾時老公體放光明偏照諸國復以手指於天魔所爾時邪徒即滅神通風散雨消王大歡喜即便頂禮白大人言王今小智不覩天顏雖奉天魔常念慈尊昨晨夢中有人為王說一乘寶藏未審一乘其義云何王師天魔常以說言世間无常是生是滅以是因緣國城妻子象馬車乘悉皆施散莫當常樂離苦无常

爾時老公發微妙相現真童子七十二相八十一好光相挺持答大王言我今愚劣識不及遠常聞海空一乘智藏无彼无我平等虛空三清眾聖念无常云何俗行即是生滅三界无常何以故有常有常无有生无生結是諸類一時蕩滅云何有常受无常施若有无常施常樂者以无常施求常樂異常常无等常云何而言俗行无常善男子譬如乘船船主欲沒心專念言莫逢風浪而有二人白其主言請度彼岸船主思惟我船安靜可度即載二人共到彼岸往於水中即便覆沒善男子天魔度王亦復如是雖受王施國城妻子象

馬車乘而同與王墮无常道地獄之中爾時天魔聞是語已心生慙愧專注道前聽一乘智藏海空之味即便歎言善哉善哉是我真父是我真命我今云何復以國城七寶之具種種布施建大齋會盡心受持海空之藏爾時四眾聞是語已心大歡喜稽首道前各還本座一心諦聽

爾時海空智藏從座而起安庠雅步從容无畏猶如獅子在七寶林稽首作禮上白天尊言如是經典微妙寶藏種種功德種種智慧甚深微妙不可思議大哀天尊是我今者一切眾生煩惱障重造三惡罪生不信想謗是經典如是諸人悉有道性云何復言墮於地獄若使是人有道性者云何復言无常苦惱若有眾生斷善根時是名三惡若斷善根萬物眾生所有道性云何不斷道性若斷道性云何復言常樂自在如是等輩於事云何若決定者云何得成人天道至下仙真人道士大慈天尊若人天道至下仙道是決定者亦不應得成就天尊一乘海空秘密寶藏



海空今者在八寶林七寶城中示現奇特七十二相欲入一乘海空智慧秘密寶藏令諸來生未得无上一乘正道悉皆能得亦令四眾諸弟子等及諸善人生大歡樂欲令天人辦諸淨供設大齋會供養一切人及非人普蒙利益善男子時此眾中咸自共言海空住於一乘寶藏當知海空无上師父住於寶藏何以故海空常樂不變易故住於寶藏我等四眾咸自思惟海空寶藏不決定者當知海空亦復不定以是義故海空寶藏亦不決定。善男子當知海空亦復不定海空非空亦復非海非空非非海非非海非天非非天非尊非非尊非人非非人非鬼非非鬼非地獄畜生非非地獄畜生非非眾生非非眾生非法非非法非色非非色非心非非心非有非非有非无非非无非常非非常非幻非非幻非名非非名非說非非說以是因緣善男子了解諸法一切法空以是義故故名海空故名智藏善男子何故海空而非海空說空說海空者即是十方无量國土化作諸王大王

小王於无量劫已捨王位遊適山林思惟一乘海空寶藏是故非王亦非王海空生時生於非生亦非非生何以故昇王京頂化生下方是故海空非非生天亦非淨天何以故世間諸法所不能染覆如蓮花從於塵水不受塵水是故海空生於諸法亦非諸法亦非智藏是名海空是名智藏善男子是故海空者亦非真人童子是海空亦非非空亦非非藏何以故海空久於无量劫中離人有故是故海空亦非非人亦非非鬼何以故亦以鬼像化眾生故是故海空亦非非鬼亦非非地獄畜生何以故海空已久離於諸惡是故海空非非地獄亦非非眾生何以故久已捨離眾生性故演說眾生微妙之相是故海空非非眾生亦復非法何以故諸法各各有別異相唯

淨微妙是故海空亦非非有亦非非无何以故海空有无去來坐卧亦現金剛是故海空亦非非无亦非非常何以故身有分故是故海空亦非非常云何非常以有知故常法无知如虛空相海空有知是故非常亦非非幻何以故金剛之身不傾不動分此一身為无量身无量之身復是一身或作大身或作小身男身女身童男女身是故海空亦非非幻亦非非名何以故无名无形寂滅常樂是故海空亦非非名亦非非說何以故說无所說如炎如電是故海空即非非說爾時天尊說是語已默然不動又答海空云善男子一切凡夫不見煩惱一切凡夫於未來世悉有疑心不見煩惱爾時海空智藏白天尊言大哀天尊云何凡夫不見煩惱於煩惱中當有身耶當无身耶過去世中身本有耶身本无耶未來見在是身有耶是身无耶若有身者即是色耶即非色耶身屬他耶不屬他耶非屬非不屬他耶有命无身耶有身无命耶有身有命耶无身

无命耶身之與命俱有常耶俱无常耶常无  
常耶非常非无常耶爾時

天尊安心含笑答海空言善哉善哉善男子  
一切凡夫有身无身煩惱之身何以故煩惱  
身者皮裹膿血障於道性是故衆生不見煩  
惱有真道性真道之性不在中間亦不有耶  
亦无耶非過去耶非見在耶非未來耶非  
色心耶非自他耶非有命耶非无命耶非有  
身耶非无身耶非有常耶非无常耶

爾時海空稽首作禮白天尊言如是所說非  
有身耶非无身耶云何煩惱障於道性之身  
從父母耶從微塵耶從幻化耶從自然耶從  
虛空耶從變易耶從善生耶從惡生耶從畜  
生生耶從地獄耶從天上耶若從父母生道  
性者云何父母是煩惱非煩惱耶若是煩惱  
云何能生真道性者若是真生應常云何真  
性從煩惱生若從煩惱煩惱障障隨於地獄  
道性之生亦墮地獄若其不墮云何道性從  
煩惱生若无煩惱云何煩惱障於道性以是  
義故唯願慈尊垂哀慈說時衆顯顯欲有所

聞爾時

天尊發微妙音答海空言善男子言道性者  
无性之性非有法性非无法性道性之生亦  
有亦无善男子言道性者非有身生非无身  
生非非有亦无有身生亦无身生善男子云  
何煩惱障於道性言道性者即煩惱生非煩  
惱生亦是煩惱亦非煩惱煩惱云何障於道  
性善男子譬如黑雲障於日光日光之光不  
生不滅不去不來不有不无道性之生亦復  
如是善男子道性之生非父母生是父母生  
何以故若父母生父母生已生无所生无生  
之生譬如花果花生无果果生无花道性之  
生亦復如是道性云何從父母生善男子云  
何道性從微塵生言道性者是微塵生非微  
塵生是幻化生非幻化生是自然生非自然  
生是虛空生非虛空生是變易生非變易生  
是善因生非善因生是惡因生非惡因生是  
畜生生非畜生生是地獄生非地獄生是天  
上生非天上生以是因緣无生之生生无  
生非无法生非有法生若如是者生相不生

若是无者无相不无不无不有是故道性之  
生生之生生不生善男子子向難云若  
從父母生道性者云何父母是煩惱耶善男  
子今當為說言道性者從父母生善男子譬  
如蓮花從淤泥生泥生之生亦不是泥亦不  
非泥道性之生亦復如是亦是父母亦非父  
母善男子譬如人屋人寄屋生屋非有人道  
性之生亦復如是如木寄生隨木而生生非  
木種道性之生亦復如是生於煩惱非煩惱  
種若是煩惱云何道性猶如虛空相不可得  
以是當知非煩惱本亦非衆生亦非非生  
善男子一切衆生若從父母因緣而生不識  
因緣妄造諸惡生分別想不信經典不愛衆  
生任命生死无復極已以是因緣分別善惡  
不攝六情生種種愛謗一乘海空寶藏聞說  
不聞聽說不聽起種種念以是因緣或得癩  
病或得聾音或受畜生牛馬猪犬或受人形  
六根不具雖有人形而无情智善男子吾於  
昔時說是經典諸天魔王共來座所起種種  
謗亂於四座須臾之間是諸天魔各領眷屬

歸還本國中路而宿於是其夜忽逢毒雨三日三夜或生黃毒或生癩毒爾時羣魔染得毒病或生癩病病生深重便大憂苦各自念言我今云何生大憂苦頭面瘡痛以是念言我必當死從身生身從生至生生大布施生大功德願捨我身得正人身願捨邪智得依正智是諸天魔臨命欲終復在泥黎便大愁煎哀哉我身生何所犯違何經戒而致斯苦於是其中我大慈故即放光明照於十方无边世界一切衆生三塗地獄是諸鬼中莫不照了得見一乘海空寶臺又見海空聽受一乘深實義味曉諸前身作於惡因生種種意誹謗經典生不信想便發懺悔我今歸命一乘海空无上天尊天中法師海空真士我今歸命无上天尊天中法師海空真士我今歸命无上天尊天中法師海空真士三唱懺已爾時東方有大寶城浮空而來是諸天魔見寶城已病即瘥愈復來詣座聽受說法安心不動即見海空一乘寶藏得見藏已信受一乘海空經典一行一句一字一偈晝夜思惟

一心恭敬是諸天魔即得變身為智慧身爾時地獄空虛无受罪者是時國中諸大賢士各共議言是我國土得三寶力即於時中建大福耶於寶臺前殿後殿四方整界房廊重閣華筵筵筵音聲和合哀婉妙好不能聞見爾時國中或男或女聞其音聲皆發善心讚歎一乘海空寶藏爾時臺中有大明師日日演說一乘海空經典普度衆生若人非人成就種種利益一切於是天尊說經周徧然不動四座賢士國王長者若大若小各得利益俱起作禮奉辭而退

太上一乘海空智藏經卷之五

太上一乘海空智藏經卷之六

持誡品

爾時海空智藏與諸天人真仙童子地仙道士俱起作禮長跪擎奉白天尊言大哀天尊是我今者遊於下方見諸衆生若人非人住於下方煩惱城中是諸天魔野道惡鬼共相惱害不能自安各各愁煎便大怖畏莫知依止云何一乘海空淨戒廣利天人无量衆生今得安樂受持依止清淨妙戒唯願天尊哀愍我等分別演說清淨妙戒普令衆生常住安樂爾時

天尊答海空言善哉善哉善男子真人童子汝等應當一心諦聽受持一乘无礙淨戒令得利益當來衆生善男子善女人專心思惟五種淨戒云何為五善男子一者道戒二者聖戒三者真戒四者仙戒五者衆生戒善男子真人童子當修習是五種行爾時海空白天尊言如是所說五種戒行云何道戒而得流行爾時天尊答海空言善哉善哉善男子所言道戒